

Na osnovu člana 15. Privremenog Upustva o načinu utvrđivanja i definisanja elemenata tarifnog sistema u Kantonu Sarajevo broj: 04-14-3020/16 od 03.02.2016. godine, Ministarstvo saobraćaja Kantona Sarajevo donosi:

O D L U K U

O RASPODJELI PRIHODA KOJI SU OSTVARENI PRODAJOM SVIH VRSTA PRIJEVOZNIH KARATA, OSIM POJEDINAČNIH KARATA U OKVIRU „MREŽE LINIJA JAVNOG LINIJSKOG PRIJEVOZA PUTNIKA U KANTONU SARAJEVO“

Član 1.

Ovom odlukom utvrđuje se način raspodjele prihoda koji su ostvareni prodajom svih vrsta mjesecnih prijevoznih karata (dačke, studentske, penzionerske, radničke, karte za nezaposlene osobe, boračke populacije, porodice šehida i poginulih boraca...), osim pojedinačnih karata, za putnike koji koriste usluge javnog linijskog prijevoza u okviru „Mreže linija javnog prijevoza putnika u Kantonu Sarajevo“ (u dalje tekstu: „Mreža linija“) od strane više prijevoznika.

Član 2.

(1) Raspodjela prihoda koji su ostvareni od prodaje svih vrsta mjesecnih karata za javni linijski prijevoz putnika u okviru „Mreža linija“ osim pojedinačnih karata, vrši se na osnovu procjene učešća prijevoznika u realizaciji prijevoza putnika u Kantonu Sarajevo.

(2) Iznos pripadajućih finansijskih sredstava, po pojedinim prijevoznicima, izračunat će se u skladu sa izračunatim procentom učešća u realizaciji prijevoza.

Član 3.

(1) Prijevoznici će, za korisnike koji ostvaruju uslugu prijevoza iz tačke II Odluke o subvencioniranju i participaciji u troškovima prijevoza u javnom gradskom i prigradskom saobraćaju za redovne i redovne samofinansirajuće studente na visokoškolskim ustanovama u Kantonu Sarajevo („Službene novine Kantona Sarajevo“, br. 42/15 i 34/22), Ministarstvu saobraćaja Kantonu Sarajevo (u daljem tekstu: Ministarstvo), najkasnije do 15-og u mjesecu za prethodni mjesec, dostavljati mjesecni izvještaj o broju izdatih i produženih mjesecnih prijevoznih karata.

(2) Uz izvještaj iz stava (1) ovog člana, prijevoznik je dužan dostaviti, u pisanoj i elektronskoj formi, spisak korisnika sa propisanim podacima o broju izdatih mjesecnih prijevoznih karata.

(3) Spisak korisnika sadrži sljedeće podatke: ime, ime oca i prezime lica koje je ostvarilo pravo na subvenciju troškova prijevoza, adresu i općinu stanovanja, cijenu karte (udio koji plaća korisnik), broj kupon/beskontaktne karte, cijenu karte (udio koji se subvencionira), broj indeksa i naziv visokoškolske ustanove u kojoj je korisnik upisan.

Član 4.

Za učešće prijevoznika u realizaciji prijevoza za korisnike iz člana 3. ove odluke koristiti će se slijedeći kriteriji vrednovanja:

- a) parametri iz dostavljenih spiskova,
- b) korištenje prijevozne usluge radi zadovoljenja potrebe odlaska u obrazovne ustanove.

Član 5.

(1) Ministar saobraćaja (u daljem tekstu: ministar) imenuje Komisiju od pet članova, koju čine tri predstavnika Ministarstva i po jedan predstavnik prijevoznika, a koja utvrđuje:

- a) korisnike iz člana 3. ove odluke koji koriste prijevoznu uslugu više prijevoznika;
- b) raspodjelu sredstava po pojedinom prijevoznicima za korisnike iz stava (1) tačka a) ovog člana.

(2) Broj korisnika iz stava (1) tačka a) ovog člana utvrđuje se na osnovu dostavljenog spiska korisnika prijevoznih usluga.

Član 6.

(1) Prijevoznici će za korisnike koji ostvaruju uslugu prijevoza iz člana 2. Uredbe o subvencioniranju troškova prijevoza u javnom gradskom saobraćaju na području Kantona Sarajevo („Sl.novine Kantona Sarajevo“, br. 36/06 i 8/17), Ministarstvu, najkasnije do 15-og u mjesecu za prethodni mjesec, dostavljati mjesečni izvještaj o broju izdatih mjesečnih prijevoznih karata. Uz izvještaj o broju izdatih mjesečnih karata prijevoznik je dužan dostaviti, u pisanoj i elektronskoj formi, spisak korisnika sa propisanim podacima o broju izdatih mjesečnih prijevoznih karata.

(2) Spisak iz stava (1) ovog člana sadrži sljedeće podatke: ime, ime oca i prezime lica koje je ostvarilo pravo na subvenciju troškova prijevoza, adresu i općinu stanovanja, cijenu karte (udio koji plaća korisnik), broj kupon/beskontaktne karte, cijenu karte (udio koji se subvencionira).

Član 7.

Za učešće prijevoznika u realizaciji prijevoza za korisnike iz člana 6. ove odluke koristiti će se slijedeće kriterije vrednovanja:

- a) parametri iz dostavljenih spiskova;
- b) korištenje prijevozne usluge radi zadovoljenja potrebe odlaska u institucije vlasti;
- c) korištenje prijevozne usluge radi zadovoljenja potrebe odlaska u kulturne ustanove;
- d) korištenje prijevozne usluge radi zadovoljenja potrebe odlaska u zdravstvene ustanove.

Član 8.

(1) Komisija iz člana 5. ove odluke utvrđuje:

- a) korisnike iz člana 6. ove odluke koji koriste prijevoznu uslugu više prijevoznika;
- b) raspodjelu sredstava po pojedinom prijevoznicima za korisnike iz stava (1) tačka a) ovog člana.

(2) Broj korisnika iz stava (1) tačka a) utvrđuje se na osnovu dostavljenog spiska korisnika prijevoznih usluga.

Član 9.

(1) Prijevoznici će, za korisnike koji ostvaruju uslugu prijevoza u skladu sa člana 64. Zakona o osnovnom odgoju i obrazovanju („Službene novine Kantona Sarajevo“, br. 23/17, 33/17, 30/19, 34/20 i 33/21), a koji koriste usluge prijevoza na registrovanim linijama „Mreže linija“, Ministarstvu dostavljati mjesečni izvještaj o broju izdatih mjesečnih prijevoznih karata.

(2) Uz izvještaj o broju izdatih mjesečnih karata prijevoznik je dužan dostaviti, u pisanoj i elektronskoj formi, spisak korisnika sa propisanim podacima o broju izdatih mjesečnih prijevoznih karata.

(3) Spisak korisnika sadrži sljedeće podatke: ime, ime oca i prezime lica koje je ostvarilo pravo na subvenciju troškova prijevoza, adresu i općinu stanovanja, broj kupon/beskontaktne karte, cijenu karte (udio koji se subvencionira) i naziv osnovne škole u koju je korisnik upisan.

Član 10.

Za učešće prijevoznika u realizaciji prijevoza za korisnike iz člana 9. ove odluke koristiti će se slijedeći kriteriji vrednovanja:

- a) parametri iz dostavljenih spiskova;
- b) korištenje prijevozne usluge radi zadovoljenja potrebe odlaska u osnovnu školu.

Član 11.

(1) Komisija iz člana 5. ove odluke utvrđuje:

- a) korisnike iz člana 9. ove odluke koji koriste prijevoznu uslugu više prijevoznika;
- b) raspodjelu sredstava po pojedinom prijevoznicima za korisnike iz stava (1) tačka a) ovog člana.

(2) Broj korisnika iz stava (1) tačka a) ovog člana utvrđuje se na osnovu dostavljenog spiska korisnika prijevoznih usluga.

Član 12.

(1) Prijevoznici će za korisnike koji ostvaruju uslugu prijevoza u skladu sa Zakona o srednjem obrazovanju („Službene novine Kantona Sarajevo br. 23/17, 30/19 i 33/21), a koji koriste usluge prijevoza na registrovanim linijama „Mreže linija“, Ministarstvu dostavljati mjeseci izvještaj o broju izdatih mjesecnih prijevoznih karata.

(2) Uz izvještaj o broju izdatih mjesecnih karata, prijevoznik je dužan dostaviti u pisanoj i elektronskoj formi, spisak korisnika sa propisanim podacima o broju izdatih mjesecnih prijevoznih karata.

(3) Spisak korisnika sadrži sljedeće podatke: ime, ime oca i prezime lica koje je ostvarilo pravo na subvenciju troškova prijevoza, adresu i općinu stanovanja, cijenu karte (udio koji plaća korisnik), broj kupon/beskontaktne karte, cijenu karte (udio koji se subvencionira) i naziv srednje škole u koju je korisnik upisan.

Član 13.

Za učešće prijevoznika u realizaciji prijevoza za korisnike iz člana 12. ove odluke koristiti će se slijedeći kriteriji vrednovanja :

- a) parametri iz dostavljenih spiskova,
- b) korištenje prijevozne usluge radi zadovoljenja potrebe odlaska u srednju školu.

Član 14.

(1) Komisija iz člana 5. ove odluke utvrđuje:

- a) korisnike iz člana 12. ove odluke koji koriste prijevoznu uslugu više prijevoznika;
- b) raspodjelu sredstava po pojedinom prijevoznicima za korisnike iz stava (1) tačke a) ovog člana.

(2) Broj korisnika iz stava (1) tačka a) ove tačke utvrđuje se na osnovu dostavljenog spiska korisnika prijevoznih usluga.

Član 15.

(1) Prijevoznici će za korisnike koji ostvaruju uslugu prijevoza iz člana 2. Uredbe o cijeni mjesečne karte za prijevoz nezaposlenih osoba u javnom linijskom prijevozu putnika na području Kantona Sarajevo („Službene novine Kantona Sarajevo“, broj: 32/20), Ministarstvu dostavljati mjesecni izvještaj o broju izdatih mjesecnih prijevoznih karata.

(2) Uz izvještaj o broju izdatih mjesecnih karata prijevoznik je dužan dostaviti, u pisanoj i elektronskoj formi, spisak korisnika sa propisanim podacima o broju izdatih mjesecnih prijevoznih karata.

(3) Spisak korisnika sadrži sljedeće podatke: ime, ime oca i prezime lica koje je ostvarilo pravo na subvenciju troškova prijevoza, adresu i općinu stanovanja, cijenu karte (udio koji plaća korisnik), broj kupon/beskontaktne karte, cijenu karte (udio koji se subvencionira).

Član 16.

Za učešće prijevoznika u realizaciji prijevoza za korisnike iz člana 15. odluke koristiti će se slijedeće kriterije vrijednovanja:

- a) parametri iz dostavljenih spiskova;
- b) korištenje prijevozne usluge radi zadovoljenja potrebe odlaska u institucije vlasti;
- c) korištenje prijevozne usluge radi zadovoljenja potrebe odlaska u kulturne ustanove;
- d) korištenje prijevozne usluge radi zadovoljenja potrebe odlaska u zdravstvene ustanove.

Član 17.

(1) Komisija iz člana 5. ove odluke utvrđuje:

- a) korisnike iz člana 15. ove odluke koji koriste prijevoznu uslugu više prijevoznika;
- b) raspodjelu sredstava po pojedinom prijevoznicima za korisnike iz stava (1) tačka a) ovog člana .

(2) Broj korisnika iz stava (1) tačka 1) ovog člana utvrđuje se na osnovu dostavljenog spisak korisnika prijevoznih usluga.

Član 18.

(1) Prijevoznici će, za korisnike koji ostvaruju uslugu prijevoza u skladu sa Zakon o pravima branilaca i članova njihovih porodica („Službene novine Federacije BiH“, br. 33/04, 56/05, 70/07, 9/10 90/17 i 29/22), a koji koriste usluge prijevoza na registrovanim linijama „Mreže linija“, Ministarstvu dostavljati mjesecni izvještaj o broju izdatih mjesecnih prijevoznih karata.

(2) Uz izvještaj o broju izdatih mjesecnih karata prijevoznik je dužan dostaviti, u pisanoj i elektronskoj formi, spisak korisnika sa propisanim podacima o broju izdatih mjesecnih prijevoznih karata.

(3) Spisak korisnika sadrži sljedeće podatke: ime, ime oca i prezime lica koje je ostvarilo pravo na subvenciju troškova prijevoza, adresu i općinu stanovanja, broj kupon/beskontaktne karte, cijenu karte (udio koji se subvencionira).

Član 19.

Za učešće prijevoznika u realizaciji prijevoza za korisnike iz člana 18. ove odluke koristiti će se slijedeći kriteriji vrednovanja:

- a) parametri iz dostavljenih spiskova;
- b) korištenje prijevozne usluge radi zadovoljenja potrebe odlaska u institucije vlasti;
- c) korištenje prijevozne usluge radi zadovoljenja potrebe odlaska u kulturne ustanove;

d) korištenje prijevozne usluge radi zadovoljenja potrebe odlaska u zdravstvene ustanove.

Član 20.

(1) Komisija iz člana 5. ove odluke utvrđuje:

- a) korisnike iz člana 18. ove odluke koji koriste prijevoznu uslugu više prijevoznika;
- b) raspodjelu sredstava po pojedinom prijevoznicima za korisnike iz stava (1) tačka a) ovog člana.

(2) Broj korisnika iz stava (1) tačka 1) ovog člana utvrđuje se na osnovu dostavljenog spisak korisnika prijevoznih usluga.

Član 21.

(1) Prijevoznici će za korisnike koji ostvaruju uslugu prijevoza kupovinom radničkog kupona, a koji koriste usluge prijevoza na registrovanim linijama "Mreže linija", Ministarstvu dostavljati mjesečni izvještaj o broju izdatih mjesečnih prijevoznih karata.

(2) Uz izvještaj o broju izdatih mjesečnih karata prijevoznik je dužan dostaviti, u pisanoj i elektronskoj formi, spisak korisnika sa propisanim podacima o broju izdatih mjesečnih prijevoznih karata.

(3) Spisak korisnika sadrži sljedeće podatke: ime, ime oca i prezime lica koje je ostvarilo pravo na prijevoz, adresu i općinu stanovanja, cijenu karte (udio koji plaća korisnik), broj kupon/beskontaktne karte i naziv pravnog subjekta/institucije u kojoj je korisnik zaposlen.

Član 22.

Za učešće prijevoznika u realizaciji prijevoza za korisnike iz člana 21. ove odluke koristiti će se slijedeće kriterije vrednovanja :

- a) parametri iz dostavljenih spiskova;
- b) korištenje prijevozne usluge radi zadovoljenja potrebe odlaska na radno mjesto.

Član 23.

(1) Komisija iz člana 5. ove odluke utvrđuje:

- a) korisnike iz člana 21. ove odluke koji koriste prijevoznu uslugu više prijevoznika;
- b) raspodjelu sredstava po pojedinom prijevoznicima za korisnike iz stava (1) tačka a) ovog člana.

(2) Broj korisnika iz stava (1) tačka a) ovog člana utvrđuje se na osnovu dostavljenog spisak korisnika prijevoznih usluga.

Član 24.

Raspodjelu prihoda za subvencionirane korisnike iz člana 12. Privremenog Uputstva o načinu utvrđivanja i definisanja elemenata tarifnog sistema u Kanonu Sarajevo, prijevoznici će definisati sa nadležnim ministarstvom koje vrši subvencioniranje, a sve u skladu sa ovom odlukom.

Član 25.

Način raspodjele prihoda za prijevozne karte za javni linijski prijevoz putnika u okviru "Mreže linija" za korisnike (radničke karte i karte za boračke populaciju), osim pojedinačnih karata, a za korisnike koji koriste usluge javnog linijskog prijevoza putnika na području Kantona Sarajevo od

strane više prijevoznika, prijevoznici će definisati međusobno u skladu sa ovom Odlukom a najkasnije do 01.07. 2023. godine.

Član 26.

(1) Prijevoznici vrše prodaju preplatnih mjesecnih karata korisnicima.

(2) Raspodjela prihoda od prodaje karata iz stava (1) ovog člana, za korisnike za koje se utvrdi da imaju potrebu da koriste usluge prijevoza više prijevoznika, vršiti će se na slijedeći način:

a) za korisnike iz čl. 3., 9., 12. i 21. ove Odluke.

- za imaoce validne mjesecne karte, koji imaju prebivalište uz trasu **primarne linije čija je dužina u jednom smjeru do pet (5) km**, raspodjela prihoda vršit će se u omjeru 60% prijevozniku koji vrši prijevoz primarne linije, a 40% prijevozniku koji vrši prijevoz osnovne linije,

- za imaoce validne mjesecne karte, koji imaju prebivalište uz trasu **primarne linije čija je dužina u jednom smjeru od pet (5) km do deset (10) km**, raspodjela prihoda vršit će se u omjeru 67,5% prijevozniku koji vrši prijevoz primarne linije, a 32,5% prijevozniku koji vrši prijevoz osnovne linije,

- za imaoce validne mjesecne karte, koji imaju prebivalište uz trasu **primarne linije čija je dužina u jednom smjeru deset (10) i više kilometara**, raspodjela prihoda vršit će se u omjeru 75% prijevozniku koji vrši prijevoz primarne linije, a 25% prijevozniku koji vrši prijevoz osnovne linije;

b) za korisnike koji stanuju uz trasu osnovne linije a imaju potrebu da koriste i primarnu liniju za zadovoljenje svoje potrebe za mobilnošću definisane ovom odlukom, raspodjela prihoda vršit će se u skladu sa procentima naznačenim u alineji a), b) i c) ovog stava;

c) za korisnike iz čl. 6., 15. i 18. ove Odluke:

- za imaoce validne mjesecne karte, koji imaju prebivalište uz trasu **primarne linije čija je dužina u jednom smjeru do pet (5) km**, raspodjela prihoda vršit će se u omjeru 65% prijevozniku koji vrši prijevoz primarne linije, a 35% prijevozniku koji vrši prijevoz osnovne linije.

- za imaoce validne mjesecne karte, koji imaju prebivalište uz trasu **primarne linije čija je dužina u jednom smjeru od pet (5) km do deset (10) km**, raspodjela prihoda vršit će se u omjeru 70% prijevozniku koji vrši prijevoz primarne linije, a 30% prijevozniku koji vrši prijevoz osnovne linije.

- za imaoce validne mjesecne karte, koji imaju prebivalište uz trasu **primarne linije čija je dužina u jednom smjeru deset (10) i više kilometara**, raspodjela prihoda vršit će se u omjeru 80% prijevozniku koji vrši prijevoz primarne linije, a 20% prijevozniku koji vrši prijevoz osnovne linije.

Član 27.

Raspodjela prihoda od prodaje karata za primarne linije koje obavljaju dva prijevoznika, vršiti će se tako da se prihodi raspodijele po prijevozniku, i to:

a) za primarnu liniju koju prijevoznici obavljaju u omjeru po 50% polazaka vrši se u omjeru 50% jednom i 50% drugom prijevozniku;

b) za primarnu liniju koju prijevoznici obavljaju sa različitim brojem polazaka vrši se u omjeru postotka kakav je omjer postotka broja polazaka.

Član 28.

(1) Na osnovu utvrđenog učešća prijevoznika u realizaciji prijevoza, a u skladu sa ovom odlukom, određuje se visina sredstava po pojedinim prijevoznicima.

(2) Ministarstvo će izvršiti plaćanje sredstava za subvencionirane korisnike u visini iznosa utvrđenog na osnovu stava (1) ovog člana.

Član 29.

(1) Prijevoznici će raspodjelu prihoda i međusobne transfere novca vršiti na osnovu međusobno potписанog sporazuma, a u skladu sa ovom odlukom.

(2) Raspodjela i prenos prihoda ostvarenih prodajom mjesecnih karata, odnosno učešćem putnika u cijeni mjesecne karte, obavit će se u roku od 15 dana od dana prijema zaključka Komisije iz člana 5. ove odluke.

Član 30.

Gramatička terminologija korištena u ovoj odluci podrazumijeva uključivanje oba spola.

Član 31.

Danom stupanja na snagu ove odluke prestaje da važi Odluka o raspodjeli prihoda koji su ostvareni prodajom svih vrsta prijevoznih karata, osim pojedinačnih karata, broj: 04-14-31912/16 od 01.11.2016. godine.

Član 32.

Ovo odluka stupa na snagu narednog dana od dana donošenja i objaviti će se u „Službenim novinama Kantona Sarajevo“ i web stranici Ministarstva.

Broj: 04-11-30920/23
Sarajevo, 30.06.2023. godine

